

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black


明華容孫 穀著錄

河圖稽耀鉤

稽耀曰鉤以言乎立象之竊商無不覩也

五星散為五色之彗 歲星之精流為國皇主內難 大白散
 為天狗主候兵 辰星散為枉矢流枉矢所射可誅 熒惑散
 為蚩尤旂主惑亂 填星散為獄漢又為五殘主奔亡又為旬
 始主招橫又為虹蜺主內淫又蜺者氣也起在日側其色青赤
 白黃

歲星之精流為天棊天槍天猾天衝國皇及登蒼彗熒惑散為
 昭日蚩尤之旂昭明司危天欒赤彗填星散為五殘獄漢大賁



昭星絀流旬始蚩尤虹蜺擊咎黃彗大白散爲天杵天柎伏靈
大敗司姦天狗天殘卒起白彗辰星散爲枉矢破女拂樞滅寶
繞縱驚理大奮祀黑彗五色之彗各有長短曲折應象

日月兩重暈者飢之祥也

蟾蜍去月天下大亂

月犯房天子有憂四足之蟲多死月犯心後星亂臣在宥

青雲刺月五穀不熟宥多赤雲如人頭大戰月宥有白雲如杵

者三貫月六十日內有兵戰月始出有黑雲貫名激雲不出三

日暴雨

彗星出貫奎庫兵悉出禍在強侯外夷胡應逆首謀也杆天東

流天下恐

按晉史志妖星二十有一一日彗星二曰孛星三曰天棓四

曰天槍五曰天欒六曰蚩尤旂七曰天衝八曰國皇九曰昭

明十曰司危十一曰天欒十二曰五殘十三曰六賊十四曰

獄漢十五曰旬始十六曰天鋒十七曰燭星十八曰蓬星十

九曰長庚二十曰四填星二十一曰地維藏光

賁居子曰天棓天槍皆紫垣門內之宿似不得爲妖女孛

本黃帝時一女子修行不得其死蚩尤則黃帝所誅者而

復能爲妖于天亦可詫也

又按晉志流星之類有音如炬火天保也所墜國有喜若小

流星青赤名地雁所墜有兵其光青赤長三丈名天雁軍中

之精華也其飛星大若缶若甕後皎然白前卑後高此謂頓

頑多妖亾或大若缶甕星滅後白者曲環如車輪此謂解御
其國人相斬爲爵祿飛星如前化爲車輪下名曰大滑下有
流血又云東南有三星出名曰盜星出則天下有大盜西南
有三大星出名曰種陵出則天下殺貴十倍西北三大星出
而白名天狗出則人相食大凶東北有三大星出名曰女帛
見則有大喪
黃黑氣掩日是爲日薄凡日食皆于晦朔有不于晦朔者爲日
薄雖非日月同宿時陰氣盛掩日光也占類日食
月犯星有亂臣王者惡之又宮中有亂人有大喪犯中星爲人
主犯前星爲太子犯後星爲庶子當之

河圖帝覽禘

猶云覽德輝而嬉悅爾

黃道一青道二出黃道東赤道二出黃道南白道二出黃道西
黑道二出黃道北日春東從青道夏南從赤道秋西從白道冬
北從黑道立春星辰西游日則東游立夏星辰北游日則南游
春分星辰西游之極日東游之極日與星辰相去三萬里夏至
則星辰北游之極日南游之極日與星辰相去三萬里立秋星
辰東游日則西游立冬星辰南游日則北游秋分星辰東游之
極日西游之極冬至星辰南游之極日北游之極相去各三萬
里

按漢志日有中道月有九行中道者黃道一曰光道光道夏

至北至于東并北近極故晷短冬至南至于牽牛遠極故晷
長春秋分自東至角西至婁去極中而晷中日行不可指而
知也故以二至二分之星為候日東行星西轉冬至昏奎八
度中夏至氏十三度中春分柳一度中秋分牽牛三度七分
中此其正行也日行疾則星西轉疾事勢然也

又按隋志日循黃道東行行東陸謂之春行南陸謂之夏行
西陸謂之秋行北陸謂之冬

又中興天文志占天之法以二十八宿為綱維分列四方南
北去極各九十有一度冬則南游春分星辰西游之極三十
有六度一星辰相去三萬里夏至則星辰北游半在赤道內
半在赤道外出入內遠極遠者皆二十有四度以其行赤道
之中者名之曰黃道凡五緯皆隨日繇黃道行惟月之行有
九道四時交會歸于黃道而轉變焉故有赤青白黑四者之
異名然唐志又云黃道春分與赤道交于奎秋分交于軫西
南至斗北至井與漢志殊蓋赤道分天之半今古不易黃道
本無定體因日行而為之名日之行也每歲有差古今所以
不同也

月未當望而望是謂促兵宜攻他人月當望而不望攻他人地
者有殃所宿國亡

月暈而珥六十日兵起不暈而珥全有喜兵在外而喜月不暈
有四珥者臣有謀不成月暈三重天下受兵赤雲貫之其下亡
地月暈四重其下亡國凶月暈七重其下亡國月暈九重其下

兵起流亡五月中暈有九重以上者道上有熱死人地將動月犯太白其野受兵戰不勝又云所守之國兵起月暈大白與日乃其其分主憂星出月陰負海國勝列星貫月陰國可伐

大星流八月中無光有兵死又曰使星八月主失其地若星入月中無光將戮

彗星在月胡兵大起

彗出東方河逆決將相有謀

月食從上始謂之失國國君當之從旁始謂之失令相當之從下始謂之失律將軍當之

從上始謂之赤子食其陽為喪其陰為女喪

月行南河兵旱竝起男子喪


月犯太白強侯作亂以戰不勝

月暈辰星春夏民有寒熱疾秋兵起冬其下竝憂

月犯南斗兵起國中

月犯星有亂臣王者惡之又曰宮中有亂

月暈胃民多腹疾貴臣死若熒惑在胃中則有兵歲令在暈中有德令火入太微中畱止為兵大起



河圖挺佐輔

此其符命之祖乎河洛易緯各載此事而文不一則雖無其文未必無其事也

伏羲禪于伯牛鑽木作火

黃帝修德立義天下大治乃召天老而問焉余夢見兩龍挺白圖卽帝以授余于河之都覺昧素善不知其理敢問于子天老曰河出龍圖雒出龜書紀帝錄列聖人所紀姓號與謀治平然後鳳皇處之今鳳皇以下三百六十日矣古之圖紀天其授帝圖乎試齋以往視之黃帝乃祓齋七日衣黃衣冠黃冕駕黃龍之乘戴交龍之旂天老五聖皆從以游河洛之間求所夢見之者弗得至于翠嬀之淵大鱸魚折漚而至乃問天老曰子見夫

中河折溜者乎曰見之顧問五聖皆曰莫見乃辟左右獨與天老跪而迎之魚汎白圖蘭葉朱文五色畢具天老以授黃帝舒視之名曰錄圖

錄圖曰渾渾嗚嗚焚焚雉雉萬物盡化

天授元始建帝號黃龍負圖鱗甲成字從河中出付黃帝令侍臣寫以示天下

黃帝游于洛見鯉魚長三丈青身無鱗赤文成字

堯時與羣臣賢智到翠嬀之川大龜負圖來投堯堯敕臣下寫取告瑞應寫畢歸還水中

舜以大尉卽位與三公臨河觀黃龍五采負圖出置舜前以黃玉爲柙白玉爲檢黃金爲繩黃芝爲泥章曰天黃帝符璽又曰

黃龍從雒水出詣舜前鱗甲成字舜令寫之寫竟去舜以土德故一曰黃帝一作文竟龍去

禹治水功大天帝以寶文大字賜禹佩渡北海免弱水之難

自此百世之後地高天下山陵消去不風不雨不寒不暑民復食土皆知其母不知其父如此千歲之後而天可倚杵何何隆隆曾莫知其始終

按正法圖天員十二綱地方十二紀天綱運闕三百六十輪爲一周地紀推機三百三十輪爲一度天運三千六百周爲

陽勃地轉三千三百度爲陰蝕天氣極于太陰地氣窮于太陽故陽極則勃陰否則蝕陰陽勃蝕天地氣反天地氣反乃謂之小劫天運九千九百周爲陽蝕地轉九千三百度爲陰


古微書 卷三十三
勃陽蝕則氣窮于太陰陰勃則氣極于太陽故陽否則蝕陽極則勃陰陽蝕勃則天地改易天地改易謂之大劫

運度經云靈寶自然運度有大陽九六百六也小陽九小百六也三千三百年為小陽九小百六也九千九百年為大陽九六百六也夫天厄謂之陽九也地虧謂之百六也至金天氏之後甲申之歲是其天地運度否泰所終陽九百六會至時道德方明兜醜頓肆聖君受任于壬辰之年也

皇氏諸錄曰自三象明曜已來至以累億劫會天地成敗非可勝載數極唐堯是為小劫丁亥之後甲申之年陽九百六二氣離合壬辰之始數有九周至庚子之年赤星見于東方白搏見于月窟唐堯之後四十六丁亥是三劫之周又五十五丁亥至壬辰癸巳是大劫之周也六合冥一二道盈虧時

運周劫始轉一仙階

賁居子曰陽九百六之說僅見于道藏故備志之康節先生妄以十二時分元會運世而以堯舜世為已中宋受命遂當申初恐天地之大終難以年代限也



河圖握矩記 一作矩起

五運三正安有常期謂之握矩者明乎皇帝王之迭興各有禎符若春規夏準秋矩冬權可象鑑而不謬也

燧人之世大跡在雷澤華胥履之而生伏羲一云伏羲在亥得人定之時

伏羲禪于伯牛鑽木作火

黃帝名軒北斗黃神之精母地祇之女附寶之郊野大電繞樞斗星耀感附寶生軒轅胸文曰黃帝子又附寶之郊見電繞斗軒星照郊野感而生軒又黃帝母曰地祇之子名附寶之郊野大電繞北斗樞星耀感附寶生軒轅

令訾野中有玉虎晨鳴雷聲聖人感期而興又黃帝以雷精起

玉虎晨鳴雷聲也

大星如虹下流華渚女節意感生白帝朱宣

朱宣少吳氏

搖光之星

如虹貫月正白感女樞于幽房之宮生黑帝顓頊首戴干戈有德文又曰帝乾荒擢首而謹耳豶豕而渠股是襲若水取蜀山氏曰樞是爲河女所謂淖子也淖子感搖光于幽房而生顓頊扶都見白氣貫月感生黑帝湯

姜嫄履大人之跡生后稷太姒夢大人死而生文王

賁居子曰天之生奇杰瑰偉如其生怪石生妖禽偶感異氣而出或于中夏或于蠻荒或爲尤物或爲英人亦不計其爲帝爲王也如哀牢之觸沈木夜郎之流竹孔廩君之涌土穴徐偃之生鰥孕或不繇血氣不經人道咸自卓然

何必爲天下主而後有奇徵哉且如桓靈寶之么麼而當其母誕時亦感星墜銅盆吞之有娠使其後竟受僞命豈不與搖光薏苡同一瑞也然亦有漠然無瑞而爲世雄霸者矣意者天之間氣其偶然而集而不可以槩世類乎若曰天知有帝王而福之則佛說萬八千天子恐不勝其休祥之煩

少昊秀外龍庭月懸通顓頊渠頭併幹通眉帶午帝鬣駢齒方頤龐覲珠庭化齒戴干又曰帝鬣駢齒上法日參秉度成紀以理陰陽

蒼帝方面赤帝圓面白帝廣面黑帝深面黃帝廣額龍額黃帝銳頤黑帝修頸蒼帝竝乳

蒼帝望之大視之博白帝望之明視之義

風后曰予告汝帝之五旂東方法青龍曰旗南方法赤鳥曰旒西方法白虎曰典北方法玄蛇曰旂中央法黃龍曰常

帝命伯禹曰告汝凡術五勝之常可以克之汝能從之汝師徒將興

黃帝曰凡人生一日天帝賜算三萬六千又賜紀二千聖人得三萬六千七百一十凡人得三萬六千一紀主一歲聖人加七百二十

孝順二親得算二千天司錄所表事賜算中功

按太上感應篇天地有司過之神依人所犯輕重以奪人算算減則貧耗算盡則死又有三台北斗神君在人頭上錄人

罪惡奪其紀算大則奪紀小則奪算人生而不自愛者其亦負上帝之賜多矣

黃金千歲生黃龍青金千歲生青龍赤金千歲生赤龍白金千歲生白龍玄金千歲生玄龍

此即淮南子五龍五瀕之說已錄前運斗樞篇


黃帝生先致白狐

秦距之帝名政虎口日角大目隆鼻長八尺六寸身大七圍手握兵執矢名祖龍

怪目勇敢重瞳天雨刀于楚之邦

宋均曰謂項羽

帝劉季日角戴勝斗胸龜背龍眼長七尺八寸明聖而寬仁好生主軫劉受紀昌先出軫五星聚井





河圖祕徵

帝貪則政暴而吏酷酷則誅深必殺主蝗蟲
主急妄怒失陽事則天無雲而雨

黃帝起大蚘見


帝失德政不平則月生足又陪臣擅命羣下附和則月舉足垂
爪






河圖帝通紀


雲者天地之本也雨者天地之施也風者天地之使雷者天地之鼓彗星者天之旂






河圖著命


搖光之星如虹貫月正白感女樞于幽房之宮生黑帝顓頊
 握登見大虹意感生舜于姚墟 修己見流星意感生帝戎文
 禹一名文命 扶都見白氣貫日意感生黑帝子湯 太妊夢
 長人感已生文王






河圖真紀鉤

王者封泰山禪梁父易姓奉度繼興崇功者七十有二君



河圖要元篇




河圖要元篇

句金之壇其間有陵兵病不起洪波不登又曰乃有地脈土良
水清句曲之山金壇之陵可以度世上昇曲城

注不載其目
今見茅山志

要元篇蓋漢世
緯書後漢書志




河圖要元篇

卷三十三河圖雜緯篇

六

對山問月樓





河圖考靈曜

一作考曜文

秦王政以白璧沈河有黑頭公從河出謂政曰祖龍來授天寶
開中有尺二牘


高皇攝政總萬庭四海歸詠理威明文德道化承天精元祚興
隆協聖靈






河圖提劉篇


軫 帝季日角戴勝斗胸龜背龍股長七尺八寸明聖寬仁好土主






河圖稽命徵

帝劉卽位百七十年太陰在庚辰江充詭其變天鳴地坼






河圖會昌符

漢大興之道在九代之王封于太山刻石著紀禪于梁父退省
考功

河圖曰漢高祖親祀汶水見一黃釜却驚反化爲一翁責言劉
季何不受河圖

河圖龍文曰鎮星光明八方歸德
以興 九名之世帝行德封刻政
赤九會昌十世以光十一



古微書卷之三十三

古微書卷之三十四

明華容孫 穀著錄

河圖玉版

緯之說兆于河圖故僭河圖者益衆而濫河圖者益陋索
之緯錄未聞有玉版者類書徵集顧有數條或亦其流沿
之舊與

倉頡爲帝南巡狩登陽墟之山臨于玄扈洛汭之水靈龜負書
丹甲青文以授之帝文止二十八字景刻于陽墟之石室李斯
止識八字曰上天垂命皇辟迭王今已不可尋矣

按金陵志注云昔周初有于倉頡墓下得石刻藏之書府至
秦李斯辨其八字云上天作命皇辟迭王或云叔孫通識十

古微書 卷三四
一字而不傳妄也任昉云周人不能辨而斯通識之余不信也詳考二句乃寇謙所纂黑帝安和國王禁文也

湘夫人者帝堯女也秦始皇浮江至湘山逢大雨而問博士湘君何神博士曰聞之堯二女舜妃也死而葬此

按禮記舜南巡狩蓋三妃未之從也郭璞注山海經云明妃治生不從征死不從葬義可知也列女傳二女死于江湘之間又楚辭有湘君湘夫人遂比之慮妃洛神名實相亂矣及閱禮記所注三妃者謂宵明燭光癸比不謂娥英也山海北經又云舜妻登比氏生宵明燭光處河大澤二女之靈能照此所方百里則曲禮之三妃抑何其誣總之好古尊聖者務侈其說而遂以聖人之眷屬皆繇神靈其實皆無可指耳

禹平天下會諸侯會稽之野防風氏後到殺之夏德之盛二龍降之禹使范成光御之行域外既周而還至南海經防風防風之神二臣以塗山之戮見禹使怒而射之迅雷風雨二龍昇去二臣恐以刃自貫其心而死禹哀之乃拔其刃療以不死之草是為穿胸民

右七俗祭防風神奏防風古樂截竹長三尺吹之如嗥三人披髮而舞

左傳文公十一年鄭滿侵齊叔孫得臣獲長狄僑如鄭注云鄭滿漆姓北方長狄也在夏為防風氏殷為汪芒氏

賁居子曰今之北狄幸而無是種也神哉大禹逆知千年蓋亦慮後世下必有此禍而震赫其武以絕是類與


從崑崙以北九萬里得龍伯國人長三十丈生萬八千歲而死
從崑崙以東得大秦國人長十丈皆衣帛從此以東十萬里得
桃國人長三十丈五尺從此以東十萬里得中秦國人長一丈
大秦人民亦壽萬八千歲不知田作但食沙石

按山海經大人國在騷邱北爲人大坐而削船又東海之外
有波谷山有大人之國有大人之市名曰大人之堂有一大
人踰其上張其兩臂郭璞注秦時大人見臨洮身長三丈脚
跡六尺埤雅東南有人長七丈名曰尺郭一曰黃父西地有
人長二千里名無路西南荒有人長尺名先通東南荒有人
長千里名朴父西竺車隣之國男女皆丈八尺大秦國人丈
五尺

賁居子曰列子所稱龍伯巨人七萬里不盈數步蓋亦有
之而防風之身橫九畝眉見干軾驚陂之木矢鐵鏃長六
尺有半又特其眇小者爾又王莽時奇士巨毋霸長一丈
大十圍本出于蓬萊魏咸熙大人見襄武長三丈脚跡三
尺六寸苻健皇始四年有長人身長五丈是月霖雨河渭
汎溢中流得大屐一隻長七尺三寸屐指長尺餘而神異
經則云西北海外有人焉長二千里兩脚中間相去千里
腹圍一千六百里俱日飲天酒五斗張華注曰天酒甘露
也不食五穀魚肉唯飲酒好游山海間不犯百姓不干萬
物與天地同生名無路之人天地之大故應無所不有耳
少室山其上有白玉膏一服卽仙矣

芝草橫生或如車馬或如龍蛇之狀

按抱朴子五芝有石芝木芝草芝肉芝菌芝各有名品而肉芝則萬歲蟾蜍千歲蝙蝠靈龜風生獸千歲鷲菌芝狀如宮室或車馬或龍虎或飛鳥或人形五色無常已上服之皆長生



龍魚河圖

河圖篇目已蕪矣類書所錄復有以河圖命者豈非以其玉石雜糅椒艾紛汨而行其牘與要其文字亦雅俚相乘政不必棄

月有九行赤道二出黃道南黑道二出黃道北白道二出黃道西青道二出黃道東併黃道爲九行立春春分月從東青道立秋秋分從西白道立夏夏至從南赤道立冬冬至從北黑道天有四表月有三道聖人知之可以延年益壽

按渾天說日道居中月五星循左右而行故日道謂之黃月行東朱白黑道各兼黃道而言故又謂之九道也是故月道出入于黃道其最遠者去黃道六度月行黃道之內曰陰曆

行黃道之外曰陽歷北爲內南爲外月行黃道之南謂之朱道行黃道之北謂之黑道黃道之東謂之青道黃道之西謂之白道黃道內外各四并黃道爲九日月定行有遲有速難以一述御也故因其合散分爲數段每段以一色名之欲以別算位而已

天歲星主德慶其精下爲天社之神天太白星主兵凶其精下爲雨師之神天熒惑星主司非其精下爲風伯之神天辰星主氣司災其精下爲先農之神天鎮星主得士之慶其精下爲靈星之神

按晉志凡五星盈縮失位其精降于地爲人歲星降爲貴臣熒惑降爲童兒歌謠嬉戲填星降爲老人婦女太白降爲壯

夫處于林麓辰星降爲婦人吉凶之應隨其象告

天之東西南北極各有銅頭鐵額兵長三千萬丈三千億萬人天之東西南北極各有金剛敢死力士長三千萬丈三千億萬人天中大平之都有都甲食鬼鐵面兵長三千萬丈三千億萬人崑崙山天中柱也

按順正理論云三十三天迷盧山頂其頂四面各二十千若據周迴數成八萬有餘師說面各八十千與下際四邊其量無別山頂四角各有一峯其高廣量各有五百有藥叉神名金剛手於中止住守護諸天于山頂中有宮名善見面二千半周萬踰繕那金城量高一踰繕那半其地平坦亦真金所成俱用百億雜寶嚴飾地觸柔軟如妬羅錦于踐躡時隨足

高下是天帝釋所都大城城有千門嚴飾壯麗門有五百青
衣藥叉勇健端嚴長一踰繕那量各嚴鎧仗防守城門于其
城中有殊勝殿種種妙寶具足莊嚴映蔽天宮故名殊勝面
二百五十踰善那周千踰繕那是謂城中諸可愛事城外四
面四苑莊嚴是彼諸天其遊戲處一衆車苑謂此苑中隨天
福力種種畢現二麤惡苑天欲戰時隨其所須甲仗等現三
雜林苑諸天人中所玩皆同俱生勝善四喜林苑絕妙欲塵
雜類俱臻慙觀無厭如是四苑形皆異方方周千踰繕那量
居各有一如意池池面各五十踰善那量各功德水瀰滿其
中隨欲四苑花鳥香林莊飾業果差別難可思議天福城外
西南角有大善法堂三十三天時集辯論制伏阿素洛等如
法不如法事

賁居子曰諸天之淨也立也而四隅八極猶各有威神以
護其居陽之防陰如是其亟也有天下者守在四夷奈何
其不豫

東方泰山君神姓圓名常龍南方衡山君神姓丹名靈峙西方
華山君神姓浩名鬱狩北方恆山君神姓登名僧中央嵩山君
神姓軍壽名逸羣呼之令人不病

東方泰山將軍姓唐名臣南方霍山將軍姓朱名丹西方華陰
將軍姓鄒名尚北方恆山將軍姓莫名惠中央嵩高山將軍姓
石名立恆存之卻百邪

東海君姓馮名修青夫人姓宋名隱娥南海君姓視名保赤夫

人姓翳名逸寥西海君姓勾大名邱白夫人姓靈名素簡北海君姓禹名帳黑夫人姓結名連翹河伯姓公名子夫人姓馮名夷又曰海河神名竝可請之呼之卻鬼氣

按雲笈七籤東嶽姓立邱名目陸南嶽姓爛名洋光西嶽姓浩嶽名元倉北嶽姓伏名通萌中嶽姓角名普生勾芒號曰文始洪崖先生東方蒼帝東海君也祝融號曰赤精成子南方赤帝南海君也蓐收號曰夏里黃公西方白帝西海君也禺疆號曰冥玄子昌北方黑帝北海君也風伯神名吒號曰長育雨師神名馮修號曰樹德馮夷號曰元梁使者

養生雜書曰東海姓何名歸君南海姓劉名漱君北海姓吳名禽強君東海神名阿明南海祝融西海臣乘北海禺疆

廣雅山神謂之離河伯謂之馮夷江神謂之奇相物神謂之鬼土神謂之獯牟水神謂之四鳥木神謂之畢方火神謂之游光金神謂之明清

賁居子曰神豈有姓若字哉借有之孰相呼之且如天劉翁下降而張翁竄竊騎其龍以上則今之天翁已非昔天翁矣千億萬年神仙亦應乘除即欲執書策之名而呼之恐不應也好異者鉤探亦苦聊以博聞其實名類猥多不勝舉耳

髮神名壽長耳神名嬌女目神名朱映鼻神名勇盧齒神名丹朱夜臥呼之有患呼之九通惡鬼自卻

按黃庭經曰髮神蒼華字太元腦神精根字泥丸眼神明上

字英玄鼻神玉壘字靈堅耳神空間字幽田舌神通金字正
倫齒神齔峯字羅千一面之神宗泥丸又心神丹元字守靈
牙神皓華字虛成肝神龍烟字含明腎神玄冥字育嬰脾神
嘗在字魂停膽神龍曜字威明皆在心內運天經晝夜存之
自長生

西陽雜俎身神及諸神名異者腦神曰覺元髮神曰玄華目
神曰虛監鼻神曰冲龍玉舌神曰始梁讀百骸神名可以思
養生主矣

劍神名飛揚矛神名天矢陰弓神名曲張斧神名狂章盾神名
自障

按埤雅粟曰許給豆曰靈殖黍曰儻佞曲張弓也推亡遠望
弩也續長箭也脫光刀也飛揚劍也狂章斧也馮耳孟公船
神也黃父漸耳食鬼之神也其貴神之異名又曰五嶽神泰
曰圓常龍衡曰丹靈峙華曰浩鬱狩恆曰登僧嵩曰軍壽逸
羣又曰海神東曰馮修青南曰視口赤西曰句大邱白北曰
禹帳黑江神曰奇相河伯曰冰夷淮神曰巫支祁波神曰陽
侯游光畢方火神也明清金神也木腫水神也彭侯雲陽木
精也籟牟賈詘土精也

黃帝攝政時有蚩尤兄弟八十一人竝獸身人語銅頭鐵額食
沙石子造立兵杖刀戟大弩威振天下誅殺無道不仁不慈萬
民欲令黃帝行天子事黃帝仁義不能禁蚩尤遂不敵黃帝仰
天而歎天遣玄女下授黃帝兵信神符制伏蚩尤帝因使之主

兵以制八方蚩尤沒後天下復擾亂不寧黃帝遂畫蚩尤形象以威天下天下咸謂蚩尤不死八方萬邦皆為弭伏

賁居子曰昔漢祖持項王頭以下魯城亦師此意然則軒轅得蚩尤而立其威彼蚩尤者亦得軒轅而成其神耳

流洲在西海申地方三千里上多山川積石名為昆吾冶其石成鐵作劍光明四照洞如水晶割玉如泥

玄洲在北海申地方三千里去南岸十萬里上有芝草生玄澗澗水如蜜味服之長生

歲暮夕四更中取二七豆子二七麻子家人頭髮少許合麻豆著井中咒敕井使其家竟年不遭傷寒辟五方疫鬼

懸艾虎鼻門上宜官子孫帶印綬懸虎鼻門中周一一年取燒作屑與婦人飲之二月中便有娠生貴子勿令人知之泄則不驗也亦勿令婦見之

七月七日取赤小豆男吞一七女吞二七令人畢歲無病又七月七日晒曝革裘無蟲又七月七日取烏雞血和三月三日桃花末塗面及遍身三二日肌白如玉

各以臘月鼠斷尾正月旦日未出時家長斬鼠著屋中祝云付

敕屋吏制斷鼠蟲三時言功鼠不敢行

埋蠶沙于宅亥地大富得蠶絲吉利以一斛二斗甲子日鎮宅大吉致財千萬

婦人無以夫衣合集浣之使之不利無以賣馬錢娶婦賣馬錢娶婦令多惡病夫妻離別

白馬立頭食之致人下病食馬肉亦殺人 羊有一角食之殺人 立雞白頭食之病人雞有四距亦殺人六指亦殺人雞有五色亦殺人 犬狗魚鳥不熟食之成痕痛 瓜有兩鼻者殺人

按大清外術生人髮挂果樹鳥鳥不敢食其實 瓜有兩鼻

兩蒂殺人 簷下滴菜有毒堇黃花及赤芥殺人 瓠牛踐

苗則子苦 犬醉不可臥黍穰上汗出眉髮落 婦人有娠

食乾薑令胎內消 十月食霜菜令人面無光 三月不可

食陳菹 沙衣結治蠹蝮瘡 井口邊草主小兒夜啼著母

臥薦下勿令知之船底苔療天行 寡婦藁薦草節去小兒

霍亂 自縊死繩主顛狂 孝子衿灰傅面酖 東家門雞

棲木作灰治失音 砧垢能蝕人履底 古櫬板作琴底合

陰陽通神 魚有睫及目合腹中目連珠二目不同連鱗白

鬣腹下丹字竝殺人 鼈目白腹下有五字十字不可食

蟹腹下有毛殺人 蛇以桑柴燒之則見足出 獸歧尾鹿

斑如豹羊心有竅悉害人 馬夜眼五月以後食之殺人

犬懸蹄肉有毒 白馬鞍下肉傷人五臟 烏自死目不閉

鴨目白鳥四距卵有八字竝殺人 凡飛鳥投人家井中必

有物當拔而放之 水脈不可斷井中沸不可飲酒漿無影


者不可飲 蝮與青蛙地中最毒蛇怒時毒在頭尾 凡豕

井間氣秋夏中之殺人先以雞毛投之毛直下無毒迴旋而

下不可犯當以醋數斗澆之方可入矣 頗黎千歲水所化

也 琉璃瑪瑙先以自然灰煮令軟可以雕刻自然灰生南海瑪瑙鬼血所化也

高王攝政總萬庭四海歸詠治威明文德道化承天精元祚興隆協聖靈



古微書卷之三十五

明華容孫 穀著錄

雜書緯

漢儒傳洪範以初二五行六十五字徑為洛書本文既有本文又何云戴履肩足白文二十五黑文二十也雖然緯書若出漢世者便應演洪範之文而語不及範固知出春秋季世矣今讀其文大類讖詞豈河圖主緯洛書主讖耶 雜書靈准聽

所述多太古溟滓以上故其言幽靈忽恍不可為象而但溢于聽謂聽之以氣也非聲也

洛水地理陰精之官帝王明聖龜書出文天以與命地以授瑞

按河合際居中護羣王道和洽吐圖佐神逆名亂教摘亡弔存故聖人觀河洛也

按乾坤鑿度孔子曰帝德之應洛水先溫九日後五日變為五色立黃天地之靜書見矣負圖出午聖人見五日以五日見十日以十日見十五日以十五日見二十日以二十日見二十五日以二十五日見三十日以三十日又曰帝王始起河洛龍馬皆察其首蛇亦然其首黑者人正其首白者地正其首赤者天正謹其天生之甲乙丙丁戊己庚辛壬癸各居應其國中以動靜逆順此天地神靈佐助之期吉凶之應注云各居其國者君甲為齊乙為東夷王者起于此國中龍則用其卦日蛇則用其卦月動為河洛水靜為陵陸地各如其跡氣五機七八合提九爻結八九七十二錄圖起鄭立注云氣五

二十七里也二十八宿以存焉二者用事以卦相提得一歲俱終而太乙行九宮及位游相結每宮如卦之日則參差矣八九相乘七十二歲而七百二十歲復于冬至甲子主象其數以為軌焉故曰錄圖起之

按乾坤鑿度欲求水旱之厄以位入軌年數除軌算盡則厄所遭也甲乙為飢丙丁為旱戊己為中興庚辛為兵王癸為水臥算為年立算為日必除先入軌年數水旱兵飢得矣如是乃救災度厄扶陽之法

天皇頽羸三舌驤首鱗身碧驢禿揭地皇十一君皆女面龍額馬踉蛇身人皇龍身九頭驤首達腋地皇氏逸于有人皇九男相像其身九章 相厥山川形成勢集裁為九州謂之九囿

人皇始出于隄地之國九男兄弟相像以別長九州已居中州以制八輔 人皇氏駕六提羽乘雲祇車 人皇別長九州離

良地精生女為后夫婦之道始此

厲山氏產山谷分布元氣即烈山氏

按洞神經天皇氏以獲為名以望為姓字子潤地皇姓鑑名

嶽字子元人皇姓愷名胡洮字文生

項竣始學篇天地立有天皇十三頭號曰天靈治萬八千歲

以木德王地皇十二頭治萬八千歲人皇九頭兄弟各三千

三百歲依山川土地之勢裁度為九州各居一方因是而區

別

皇道缺故帝者興

赤帝之為人視之豐長八尺七寸豐下銳上龍顏日角八采三

眸鳥庭荷勝琦表射出握嘉履翊竅息洞通

舜長九尺大上員首龍顏日衡方庭甚口面頤亡髦懷珠握褒

形卷婁色鬢露目童重曜故曰舜而原曰重華

禹身長九尺有只虎鼻河目齟齒鳥喙耳三漏戴成鈴襲玉斗

玉胥履已

有人方面日衡重華衡有骨表如日也眉握石椎懷神珠椎讀

言能平輕重也握謂知璇璣璿璣玉衡以齊七政厯象日月星

辰正月上日舜受終鳳凰儀黃龍感朱草生蓂莢孳西王母授

益地圖

有人謂禹也大口兩耳三漏足文履已漏空也戊己土之日蓋首

戴鈎鈐有骨表如鈎鈐胸懷玉斗懷璇璣玉衡之道或以

有人出石夷握地代戴成鈴懷玉斗

古微書

卷三十五 雜書靈准聽

三

對山問月樓

按拾遺記禹鑿龍關之山亦謂之龍門至一空巖深數十里
 幽暗不可復行禹乃負火而進有獸狀如豕銜夜明之珠其
 光如燭又有青犬行吠于前禹計可千里迷于晝夜既覺漸
 明見向來豕犬變為人形皆著玄衣又見一神蛇身人面禹
 因與語神即示禹八卦之圖列于金版之上又有八神侍側
 禹曰華胥生聖子是汝耶答曰華胥是九河神女以生余也
 乃探玉簡授禹長一尺二寸以合十二時之數使量度天地
 禹即持執此簡以平定水土蛇身之神即羲皇也

賁居子曰自混沌盤古氏為一開闢伏羲氏為再開闢至
 大禹為開闢之三矣故雜書汲汲推大禹云

又按乾坤鑿度孔子曰復表日角

表者人形體之章誠也名復者初震爻也震之體在

卯日于出焉又初應有六四于臨表龍顏名臨者二爻而互

辰在丑為牛牛有角復人表象泰表載干干盾也名泰者三爻也

六五六五離爻也體面方泰表載干而體良良為山山為石

為上故臨人表在顏也泰表載干體有以行懼難之器云應在上六

于人體俱須泰人表載于上也大壯表握訴龍角大辰卦

至大壯而立體此為乾其四則艮爻耳艮為手握訴者良也

并二則坎為水有脣詩云寘之河之脣四卦名而震為龍故

大壯人之表也表升骨履文名者又五于人體當良卦于亦

其象成其四則震爻也為足其三猶良爻于十次值本于

手體成其四則震爻也為足其三猶良爻于十次值本于
 垢七曜之行起馬七者屬文北斗在骨足履文夫人之表象
 也明姤表耳參漏足履王知多權姤初爻在巽巽風有聲而
 聽聲人聲屬坎坎為水水為孔穴象消卦其道五事曰聽耳
 而三漏聽之至巽為股初爻最在下足象消卦其道五事曰聽耳
 人君南面而治焉足行于其上姤人表復王是姤然王人君
 最尊者離又為火火者土寄位焉土數五當如姤氣于其上
 故八兼更得性耳巽為進退又為近利有知即以進遜表日
 退求利此謂之姤焉者陰氣之始故因其表見其精遜表日
 角連理名遜者以離爻也離為日消卦遜主六月于辰未未

為羊有角離南方之卦也五均南方為衡人之眉上

曰衡衡者平地連理或謂連珠者其骨起衡之遊人否表二

表亦少然詩含神露云四角主張熒惑司過也

好文多細或為之時名否卦者三也三在互體艮之中艮為木

性亦好觀表出準虎名觀者亦在五艮之中而位上艮為山

闕觀謂之闕準在鼻上而高顯觀人表出之象艮

為禽喙之屬而當免之上兌為口虎唇又象焉

明歷元名剝者五色也五離爻離為日瞳目之六五于辰又

物始萬物莫盛乎艮歷數以有終始剝人兼之此皆律歷運

性自然表象參差神實為之難得縷耳所聞差此皆律歷運

期相一匡之神也欲所按合誠主正月不三者此人心

賁居子曰自古論形相未有參以卦象者此道精眇矣故

述其大端若斯

黑帝子湯長八尺一寸或曰七尺連珠庭臂二肘

湯臂有四肘在亳能修其德東至于洛觀帝堯之臺沈璧退立

黃魚雙踊黑鳥隨魚止于壇化為黑玉又有黑龜竝赤文成字

言夏桀無道湯當伐之

檇杙之神見于邳山有人牽白狼銜鉤而入商朝金德將盛銀

自山溢湯將奉天命放桀夢及天而湯之遂有天下

按周書殷祝解湯將放桀于中野士民間湯在野皆委貨扶

老攜幼奔國中虛桀請湯曰國所以為國者以有家家所以

為家者以有人也今國無家無人矣君有人請致國君之有

也湯曰否昔大帝作道明教士民今君王滅道殘政士民惑

矣吾為王明之士民復致于桀曰以薄之居儕民之賤何必

君更桀與其屬五百人南徙千里止于不齊民往奔湯于中

野桀復請湯言君之有也湯曰否我為君王明之士民復重

五

對山問月樓

請之桀與其屬五百人徙于魯魯士民復奔湯桀又曰國君之國士民復奔湯桀又曰國君之有也吾則外人有言彼以吾道是耶我將爲之湯曰此君王之士也君王之民也委之何湯不能止桀湯曰欲從者從君桀與其屬五百人去湯放桀而復薄三千諸侯大會湯退再拜從諸侯之位湯曰此天子位有道者可以處之天子非一家之有也有道者之有也故天下者惟有道者理之惟有道者紀之惟有道者宜久處之湯以此讓三千諸侯莫敢卽位然後湯卽天子之位與諸侯誓曰陰勝陽卽謂之變而天弗施雌勝雄卽謂之亂而人弗行故諸侯之治政在諸侯之大夫治與從湯之事罕有聞者以其匿汲冢書中輒爲標出

有人雄起戴玉英祈旦失籥亡其金虎賁東南紛紛注精起昌光出軫已圖之

有鳳皇銜書游文王之都書文曰殷帝無道虐亂天下皇命已移不復將久靈祇遠離百神吹去五星聚房昭理四海

按國語景王十五年有神降于莘內史過曰昔夏之興也融降于崇山其亡也回祿信于聆隧商之興也檮杌次于邳山其亡也夷羊在牧周之興也鸞鷲鳴于岐山其衰也杜伯射王于郟王曰今是何神也對曰昔昭王娶于房曰房后實有爽德協于丹朱丹朱馮身以儀之生穆王焉實照臨周之子孫而禍福之若繇是觀之其丹朱乎

賁居子曰明神之降若此其赫也而又有匿形聞聲盡日

交人者如吳太主時羅陽縣有人自稱王表周旋民間語
言飲食與人無異然不見其形又有一婢名紡吳主遣李
崇齋印綬迎表表隨崇俱出及所在郡守令長談論所歷
山川輒遣婢與其神相聞崇與表至權于蒼龍門外為立
第舍數使近臣齋酒食往表說水旱小事往往有驗 噫
史冊所記之神怪莫著于是矣丹朱之為穆王遂增出後
世輪迴功案其說紛多

蒼帝姬昌日角鳥鼻身長八尺二寸聖智慈理以成草木之長
而順天時水澤不內舟以成魚鼈之長不麇不卵以成鳥獸之
長畋獵唯時不殺童羊不夭胎童牛不服童馬不馳不驚澤不
行害士不失其宜萬物不失其性天下不失其時

文王獨坐屏去左右深念遠慮召大公望曰商王猛暴無文強
梁好武侵凌諸侯苦勞天下百姓之怨心生矣其災予奚行而
得免于無道乎大公曰因其所為但與其化上知天道中知人
事下知地理乃可以有國焉

武王伐紂度孟津中流白魚躍入王舟王俯取魚長三尺目下
有赤文成字言紂可伐王寫以世字魚文消燔魚以告天有火
自天止于王屋流為赤鳥烏銜鼓焉鼓者紀后稷之德火者燔
魚以告天天火流下應以吉也遂東伐紂勝于牧野兵不血刃
天下歸之

按仁王經世間帝王有其五種一粟散王威德最劣二鐵輪
王治閻浮提三銅輪王兼二天下四銀輪王化三天下五金

輪王統四天下

廣弘明集云此之五王論其位上下不同語其德勝劣有異推秦皇漢武閻浮提內唯王震且五種王中粟散王也

蒼帝起天雨粟

有白雲出自蒼梧入于大梁

有氣象人青衣無手在日西天子之氣象也

蒼帝起青雲扶日赤帝起赤雲扶日黃帝起黃雲扶日白帝起

白雲扶日

按晉志天子氣內赤外黃四方所發之處當有主者若天子欲有游往處其地亦先發此氣或如城門隱隱在氣霧中恆帶殺氣森森然或如華蓋在氣霧中或氣象青衣人無手在

日西或如龍馬或雜色鬱鬱衝天者此皆帝王氣

太白守心後九年大亂熒惑守心逆臣起

按天官書大白白比狼赤比心黃比參左肩蒼比參右肩黑比奎大星亢為疏廟大白廟也大白大臣也其號上公熒惑從大白軍憂離之軍却其入守犯大微軒轅營室主命惡之心為明堂熒惑廟也謹候此

王者不藏金玉則紫玉見于深山服飾不踰祭服則玉英出

靈龜者玄文五色神靈之精也上隆法天下平象地能見存亡

明于吉凶王者不偏黨尊者老則出

按爾雅一曰神龜二曰靈龜三曰攝龜四曰寶龜五曰文龜

六曰筮龜七曰山龜八曰澤龜九曰水龜十曰火龜周禮鄭

玄注六龜之屬天龜立地龜黃東龜青西龜白南龜赤北龜
黑龜俯者靈仰者繹前弁果後弁獵左倪靈右倪若是其體
也東龜南龜長前後在陽象經也西龜北龜長左右在陰象
緯也天龜俯地龜仰東龜前南龜卻西龜左北龜右各從其
耦

比讀褚先生傳龜名又異一曰北斗龜二曰南辰龜三曰五
星龜四曰八風龜五曰二十八宿龜六曰日月龜七曰九州
龜八曰玉龜凡八名龜龜圖各有文在腹下文云云者此某
之龜也記曰能得名龜者財物歸之家必大富至千萬宋元
王之得龜也孔子聞之曰神龜知吉凶而骨直空枯日爲德
而君子于天下辱于三足之鳥月爲形而相佐見食于蝦蟇蝟

辱于鵲騰蛇之神而殆于卽且竹外有節理中直空虛松柏
爲百木長而守門閭日辰不全故有孤虛黃金有疵白玉有
瑕事有所疾亦有所徐物有所拘亦有所據罔有所數亦有
所疎人有所貴亦有所不如何可而適乎物安可全乎天尚
不全故世爲屋不成三五而陳之以應之天天下有階物不
全乃生也又卜禁日子亥戌不可以卜及殺龜日中如食已
卜暮昏龜之微也不可以卜庚辛可以殺及已鑽之常以日
且祓龜先以清水澡之以卵祓之乃將龜而遂之若嘗以爲
祖人若已卜不中皆祓之以卵東向立灼以荆若剛木土卵
指之者三持龜以卵周環之祝曰今日吉謹以梁卵煇黃祓
去玉靈之不祥玉靈必信以誠知萬事之情辨兆者可占不

信不誠則燒玉靈揚其灰以徵後龜其卜必北向龜甲必尺
二寸

賁居子曰自夫子贊易著重而龜不傳矣褚生補此猶上
古墨灼之遺法歟卽以爲卜經亦可


鰩鰩魚狀如鵠食之不痺出涿先之山

按山海經諸鳥食之有益人者黃鳥不妬鳩宜子鶯鷓已喝
鷓鴣無臥肥遺已癘雷櫟已痔數斯已癭鷩已腹痛又止衎
鷓鴣不飢馱已墊鳩不潛橐吾不畏雷鷓鷯不魘當扈不
眴白鷓已噬痛又已癩鳩渠已曝白鷓已風鷓鷯馱俱辟
火寓辟兵青耕辟疫 諸獸食之有益人者狴狴善走類不
妬九尾狐不蠱謹已瘳耳鼠不臊蠶蚺不眯獐不風搏詔不

畏孟槐天狗俱禦凶駁禦兵臙疏辟火臙羊之脂已腊 諸
魚食之有益人者鮭無腫鯈不蠱又無癡赤蠕已疥文鯈已
狂冉遺不眯鱧滑鱖俱已疣何羅已癰脩辟已白癩儵已憂
鮪已狂鯨不騎鮪父已嘔箴無疫珠蟹無癘苾不糲鰩鰩禦

火

爪 陪臣執命王公望風謀始合羣下竝附諸侯歸心則月舉足垂



古微書卷之三十五

古微書卷之三十六

明華容孫 穀著錄

洛書甄曜度

緯書以曜稱者凡四見曰靈曜曰文曜曰曜鉤曰曜嘉未
有博極軌度者惟洛書所構旁益周天罔不具悉蓋星厯
之學聖門所首務焉後世不第棄置之而且曰知星宿衣
不覆率用為戒矣嗟乎士子出其戶舉目則見天而顧不
解列宿為何物也亦足羞矣夫天事恆象象則顯矣昭昭
矣何難知哉人自不學耳

周天三百六十五度四分度之一天一度為千九百三十二里
則天地相去六十七萬八千五百里周天一百七萬一千里一

度為二千九百三十二里七十一步二尺七寸四分四百八十七分分之三百六十二

推廣九道百七十一歲進退六十二分百四十四歲一超次與天相應

按晉志周天三百六十五度五百八十九分度之百四十五半覆地上半在地下其二端謂之南極北極北極出地三十六度南極入地三十六度兩極相去一百八十二度半疆繞北極徑七十二度常見不隱謂之上規繞南極七十二度常隱不見謂之下規赤道帶天之絃去兩極各九十一度少強黃道日之所行也半在赤道外半在赤道內與赤道東交于角五少弱西交于奎十四少強其赤道外極遠者去赤道二

十四度斗二十一度是也其入赤道內極遠者赤二十四度并二十五度是也日南至在二十一度去極百十五度少強是也陸績云天東西南北徑三十五萬七千里此言周三徑一也考之徑一不啻周三率周百四十二而徑四十五則天徑三十一萬九千四百一里一百二十二步二尺二寸一分七十一分分之十以勾股法言之旁萬五千里勾也立八極萬里股也從日邪射陽城弦也以勾股求弦法入之得八萬一千三百九十四里三十步五尺二寸六分天徑之半而地上去天之數也倍之得十六萬二千七百八十八里六十一步四尺七寸二分天徑之徑數也以周率乘之徑率約之得五十一萬三千六百八十七里六十八步一尺八寸二分

周天之數也

又按周髀算經周天七衡周而六間是故一衡之間萬九千八百三十三里三分里之一即為百步內一衡徑二十三萬八千里周七十一萬四千里分為三百六十五度四分度之一度得一千九百五十四里二百四十七步千四百六十一分步之九百三十三次三衡徑二十七萬七千六百六十六里二百步周八十三萬三千里分里為度度得二千二百八十里百八十八步千四百六十一分步之千三百三十二次三衡徑三十一萬七千三百三十三里一百步周九十五萬二千里分為度度得二千六百六里百三十步千四百六十一分步之二百七十次四衡徑三十五萬七千里周一百七

萬一千里分為度度得一千九百三十一里七十一步千四百一十分步之六百六十九次五衡徑三十九萬六千六百六十六里二百步周一百一十九萬里分為度度得三千二百五十八里十二步千四百六十一分步之千六十八次六衡徑四十三萬六千三百三十三里一百步周一百三十萬九千里分為度度得三千五百八十三里二百五十四步千四百六十一分步之六次七衡徑四十七萬六千里周一百四十二萬八千里分為度度得三千九百九里一百九十五步千四百六十一分步之四百五周二百四十三萬里分為三百六十五度四分度之一度得六千六百五十二里二百九十三步千四百六十一分步之三百二十七過此而往者

未之或知又曰陰陽之數日月之法十九歲爲一章四章爲一
一部七十六歲二十部爲一遂遂千五百二十歲三遂爲一
首首四千五百六十歲七首爲一極極三萬一千九百二十
歲生數皆終萬物後始天以更元作紀歷

甄鸞注引乾鑿度曰甲子爲部首七十六歲次得癸卯部七
十六歲次壬午部七十六歲次辛酉部七十六歲凡三百四
歲木德也主春生次庚子部七十六歲次己卯部七十六歲
次戊午部七十六歲次丁酉部七十六歲凡三百四歲金德
也主秋成次丙子部七十六歲次乙卯部七十六歲次甲午
部七十六歲次癸酉部七十六歲凡三百四歲火德也主夏
長次壬子部七十六歲次辛卯部七十六歲次庚午部七十

六歲次己酉部七十六歲凡三百四歲水德也主冬藏次戊
子部七十六歲次丁卯部七十六歲次丙午部七十六歲次
乙酉部七十六歲凡三百四歲土德也主致養其德四正子
午卯酉而朝四時焉凡一千五百二十歲終一紀復甲子故
謂之遂也

賁居子曰星紀分野之度自兩漢歷志古星經外則蔡邕
月令皇甫世紀其分秒已縷縷矣未有及雲漢者偶讀唐
志得僧一行兩戒之辨起乎雲漢而始知周天之度又古
法所未盡者謹誌爲殿

按僧一行曰天下山河之象存乎兩戒北戒自三危積石負
終南地絡之陰東及太華逾河竝雷首砥柱黃屋大行北抵

常山之右乃東循寒垣至滅貊朝鮮是謂北紀所以限戎狄也南戒自岷山嶓冢負地絡之陽東及太華連商山熊耳外方桐柏自土洛南逾江漢攜武當荆山至于衡陽乃東循嶺徼達東甌閩中是謂南紀所以限蠻夷也故星傳爲北戒爲胡門南戒爲越門河源自北紀之首循雍州北徼達華陰而與地絡相會竝行而東至太行之曲分而東流與涇渭濟瀆相爲表裏謂之北河江源自南紀之首循梁州南徼達華陽而與地絡相會竝行而東及荆山之陽分而東流與漢水淮瀆相爲表裏謂之南河故于天象則引農分陝爲兩河之會五服諸侯在焉自陝而西爲秦涼北紀山河之曲爲晉代南紀山河之曲爲巴蜀皆負險用武之國也自陝而東三川中

岳爲成周西距外方大伾北至濟南至于淮東達距野爲宋鄭干陳蔡河內及濟之陽爲都衛漢東濱淮水之陰爲申隨皆四戰用文之國也北紀之東至北河之北爲邢趙南紀之東至南河之南爲荆楚自北河下流南距岱山爲三齊夾右碣石爲北燕自南河下流北距岱山爲鄒魯南涉江淮爲吳越皆負海之國貨殖之所阜也自河源循塞垣北東及海爲戎狄自江源循嶺徼南東及海爲蠻越觀兩河之象與雲漢之所始終而分野可知矣于易五月一陰生而雲漢潛萌于天稷之下進及井鉞開得坤維之氣陰始達于地上而雲漢上升始交于列宿七緯之氣通矣東井據百川上流故鶉首爲秦蜀墟得兩戒山河之首雲漢達坤維右而漸升始居列

宿上觜觿參代皆直天關表而在河陰故實沈下流得大梁
距河稍遠涉陰亦深故其分野自漳濱卻負恆山居北紀衆
山之東南外接髦頭地皆河外陰國也十月陰氣進踰乾維
始上達于天雲漢至營室東壁間升氣悉究與內規相接故
自南正達于西正得雲漢升氣爲山河上流自北正達于東
正得雲漢降氣爲山河下流陬訾在雲漢升降中居水行正
位故其分野當中州河濟間且王良閣道由紫垣絕漢抵營
室上帝離宮也內接成周河內皆豕韋分十一月一陽生而
雲漢漸降退及艮維始下接于地至斗建間復與列舍氣通
于易天地始交泰象也踰析木津陰氣益降進及大辰升陽
之氣究而雲漢沈潛于東正之中故易雷出地曰豫龍出潛

爲解皆房心象也星紀得雲漢下流百川歸焉析木爲雲漢
末派山河極焉故其分野自南河下流窮南紀之曲東南負
海爲星紀自北河末派窮北紀之曲東北負海爲析木負海
者以其雲漢之陰也唯阝訾內接紫宮在王畿河濟間降婁
立枹與山河首尾相遠隣顛頊之墟故爲中州負海之國也
其地當南河之北北河之南界以岱宗至于東海自鶉首踰
河戒東曰鶉火得重離正位軒轅之祗在焉其分野自河華
之交東接祝融之墟北負河南及漢蓋寒燠之所均也自析
木紀天漢而南曰大火得明堂升氣天市之都在焉其分野
自鉅野岱宗西至陳畱北負河濟南及淮皆和氣之所布也
陽氣自明堂漸升遠于龍角曰壽星龍角謂之天關于易氣

以陽決陰史象也升陽進躡天關得純乾之位故鷄尾直建巳之月內列太微為天庭其分野自南河以負海亦純陽地也壽星在天關內故其分野在商亳西南淮水之陰北連太室之東自陽城際之亦巽維地也

洛書摘六辟六一作亡

此蓋祧諸帝矣而端于茫眇之代間取其道德尤玄者靳于六君云

孔子曰洛書摘六辟曰建紀者歲也成姬昌有命在河聖孔表

雄德庶人受命握麟距易歷曰陽紀天心建紀者為太乙爻六七八九之數此道成

于文王聖也孔表雄著漢書興以度人之有仁德受命為天子此謂使以獲麟為應易猶象也孔子以歷說易名曰象也今易象四篇是紀古

說假借字耳別序聖人題錄與亡州土名號姓輔爰符言孔


此應之而作亡殷者紂黑期火戊倉精受命女正昌效紀承餘識二十六卷

以著當火戊午部也午為火必言火戊者木精將王為之相

絕陰之象字或作之滅動効承餘以次是民沒六皇出天地命

易以第絕宋均云次民沒民始穴處之辰放大頭四乳號曰皇

次屈出地敦辰放次屈之名焦六飛麟從日月飛麒麟獸有翼能飛者從日月
謂循其治二百五十歲度也



洛書錄運法

此其書亦必有關運位蓋隱識存焉而世不聞耳

黃帝坐玄扈閣上與大司馬容光左右輔將周昌二十一人臨

觀鳳圖一作臨觀鳳凰之至

舜以大尉受號為天子五年二月東巡狩至于中州與三公諸

侯臨觀黃龍五采負圖出置舜前也

孔子曰昔逢氏抱小女妹嬉觀帝為履癸妃本逢氏抱小女妹


嬉帝孔甲說之以為大子履癸妃

有人邪金握天鏡

按竹書紀年癸命扁伐山民山民女于桀二人曰琬曰口后
愛二人女無子焉斲其名曰茗華之玉茗是琬華是口而棄

其元妃于洛曰妹嬉于候宮飾瑤臺居之


述異志夏桀宮中有女子化為龍不可近俄而復為婦人甚麗而食人桀命為蛟妾告桀吉凶惟楚莊王時宮人一旦而化為野娥飛去此為最奇




孔子河洛讖

二口建戈不能方兩金相刻發神鋒空穴無主奇入中女子獨立又為雙

注二口建戈劉字也晉金行劉姓又金故曰兩金空穴奇入為寄字女加又奴字







錄運期識

九侯七傑爭民命炊骸道路籍籍履人頭誰使主者立且來

德立


劉謂






甄曜度識

赤三德昌九世會脩符合帝際勉刻封指劉備也
沙流出不言小人起擅百川亂不言小人執政



古德書

卷三十六



古德書卷之三十六

